

ԴԱՍԻ ՊԼԱՆ
ԹԵՄԱ 4
« ԻՐԱՎՈՒՆՔ ԵՎ ԿՈՆՖԼԻԿՏ »
ԴԱՍԻ ԹԵՄԱՆ՝
«ՎԱՐՔԱԿԱՆՈՆՆԵՐ » »

© Լուսինե Ալեքսանյան, Հասմիկ Անտոնյան

ԴԱՍԻ ՊԼԱՆԻ ՁԵՎԱԶԱՓ

Ուսուցիչ _____ Ամսաթիվ _____

Առարկան – Ես և շրջակա աշխարհը		
Դասարանը -II	Ուստարի -2020թ	Կիսամյակը - I
Թեման	Վարքականոններ	
Դասի նպատակը	<ul style="list-style-type: none"> Օգնել գիտակցել, որ աննրբանկատ, կոպիտ վարքագիծը հաճախ կարող է ընդհարման պատճառ դառնալ, որ կշռադատված, քաղաքավարի, բարեկիրթ պահվածքը կարող է օգնել, կանխել ընդհարումը: Նպաստել համագործակցային կարողությունների զարգացմանը, մշակել խմբով կամ զույգով աշխատելու կարողություններ: 	
Վերջնարդյունքները	2Շ.Մ.Փ.Կ1ա Կիրառել քաղաքավարության կանոնները, պատրաստակամ լինել խմբով կամ զույգերով աշխատելիս:	
Ընդհանրական խաչվող հասկացությունները	<p>Անհատ և հարաբերություններ</p> <ul style="list-style-type: none"> Փորձել հասկանալի դարձնել յուրաքանչյուրի դերը դրական, հարգալից, առողջ և պատասխանատու փոխհարաբերություններ ստեղծելու հարցում: Հասկանալ իրավունքների և պարտականությունների կապը, կանոնները պահպանելու և դրանով իրենց և մյուսների իրավունքները հարգելու և չխախտելու կարևորությունը: <p>Պատճառ և հետևանք</p> <ul style="list-style-type: none"> Պատճառին և հետևանքին կարելի է անդրադառնալ ողջ թեմայի ընթացքում. կանոնները պահել/չպահելու հետևանքները, արարքի՝ դրական/բացասական հետևանքները, իրավունքները խախտելու/չխախտելու, պատասխանատու վերաբերմունքի հետևանքները և այլն: 	
Միջառարկայական կապերը	<p>Մայրենի</p> <ul style="list-style-type: none"> Մտքերը հստակ, արտահայտիչ ձևակերպի: Հասկանա իրավունք և պարտականություն բառերը, նաև կոնֆլիկտ բառը և դրա ուղղագրությունն ու ուղղախոսությունը, բացատրելիս օգտագործի հոմանիշներ և հականիշներ՝ վեճ, կռիվ, բախում, հաշտություն, խաղաղություն, բարեկամություն և այլն, ձևակերպի հարցեր, ճիշտ ձևակերպի պատասխանները: Կարողանա կիրառել բարեկիրթ կանոնները ամենուր՝ տանը, բակում, դպրոցում, հարևանների, բարեկամների հետ շփվելիս: Իմանա «կախարդական» բառեր, կարողանա հաճախ կիրառել: <p>Արվեստ</p> <ul style="list-style-type: none"> Դերախաղով ներկայացնի առաջադրված իրավիճակները: Կարողանա տարբեր ապրումներ պատկերել, կոնֆլիկտ և հաշտություն ներկայացնող խորհրդանիշներ պատկերել: 	

	<p>Կարողանա տարբերել երաժշտության առաջացրած զգացումները, հույզերը:</p> <p>Օտար լեզու</p> <ul style="list-style-type: none"> • Իմանա և կարողանա օգտագործել թեմային համապատասխան բառեր նաև օտար լեզվով:
<p>Անհրաժեշտ նյութեր, տեխնիկական միջոցներ</p>	<p>Դասագիրք՝ «Ես և շրջակա աշխարհը» աշխատանքային տետր, խաղ՝ LearningApps.org https://learningapps.org/display?v=p3ng12qgn21 (հղումները բացելու համար սեղմել՝ctrl +click)</p> <ol style="list-style-type: none"> 1. Բարեկիրթ կանոնների ցանկ 2. Իրավիճակային քարտեր
<p>Գնահատում</p>	<p>Թեստային աշխատանքի միջոց Կարելի է առաջադրել թեմայի համար ստեղծված գնահատման համապատասխան վարժությունները (1-ին կիսամյակի)</p>
<p>Տնային աշխատանք</p>	<p>Տնային աշխատանք պետք է հանձնարարել այնպիսի վարժություններ, որոնք կնպաստեն թեմայի յուրացմանը, ամրապնդմանը:</p>

Դասի ընթացքը

Դասի փուլերը	Փուլի խնդիրները	Ուսուցչի գործողությունները	Աշակերտի գործողությունները
Կազմակերպչական մաս /1-2 րոպե/	Նախապատրաստվել դասին	Աշակերտների և ուսուցչի փոխադարձ ողջույն, բացականչի ամրագրում:	Աշակերտները նույնպես պատրաստվում են և պատասխանում են հարցերին:
Խթանման փուլ	Պատմվածքի միջոցով կարևորել բարեկիրթ խոսքի նշանակությունն ու ազդեցությունը:	Ուսուցիչը դասը սկսում է «Հրաշալի բառը» պատմվածքի ընթերցմամբ, որից հետո ծավալում է քննարկում հարցերի միջոցով:	Լսում են պատմվածքը, պատասխանում տրված հարցերին:
Իմաստի ընկալման փուլ	Գործնական աշխատանքի միջոցով ամրապնդել բարեկիրթ կանոնների իմացությունը:	<p>Քայլ 1. Խմբերին բաժանում է բարեկիրթ կանոնների ցանկը՝ կտրտած նախադասություններով, առաջարկում է գտնել և միացնել նախադասությունների կեսերը և սոսնձել թղթին: Այնուհետև հարցերով կազմակերպում է քննարկում: Շատ կարևոր է, որ այդ քննարկման արդյունքում երեխաները հասկանան, որ պետք է բարեկիրթ լինել ամենուր՝ տանը, դպրոցում, փողոցում:</p> <p>Քայլ 2 Ուսուցիչը ընթերցում է «Նվերը» պատմվածքը¹ (էջ 33), հետո ծավալում է հարցերով քննարկում, առաջարկում է գտնել պատմվածքի համար այնպիսի ավարտ, որ հերոսները հաշտվեն:</p>	<p>Քայլ 1. Բաժանվում են խմբերի, կատարում են խմբային աշխատանքը՝ գտնում և միացնում են կտրտած նախադասությունները, այնուհետև սոսնձում են թղթին: Ավարտելուց հետո ներկայացնում են իրենց աշխատանքները, կատարում են դատողություններ, կատարում կարևոր եզրահանգում՝ բարեկիրթ պետք է լինել ամենուր:</p> <p>Քայլ 2 Լսում են պատմվածքը, պատասխանում են հարցերին, այնուհետև, աշխատելով խմբով, փորձում են գտնել այնպիսի ավարտ, որտեղ հերոսները հաշտվում են:</p>
Կշռադասման փուլ	Սովորածի ամրապնդում գործնական աշխատանքի միջոցով:	Ուսուցիչը զույգերին բաժանում է իրավիճակներով քարտեր, առաջարկում է նրանց գտնել ընդհարման պատճառները, մտածել այնպիսի պա-	Աշակերտները ստանում են իրավիճակներով քարտեր, կարդում են, գտնում են ընդհարման պատճառները,

¹ [Լ. Ալեքսանյան, Ն.Թորոսյան «Ես և շրջակա աշխարհը» 3-րդ դասարան](#)

		տասխաններ, որ խուսափեն վեճից, իսկ իրենց պատասխանները ներկայացնել դերախաղով:	կատարած աշխատանքը ներկայացնում են դերախաղով:
Անդրադարձ	Անդրադարձ դասի բոլոր փուլերով:	<ul style="list-style-type: none"> • Անդրադարձ է կատարում դասի բոլոր փուլերին՝ զարգացնելով հիշողությունը, ուշադրությունը: • ուսուցիչը առաջարկում է ընթերցել ներկայացված փոքրիկ տեքստը, կշռադատել, բացատրել ներկայացված ասացվածքը: 	<ul style="list-style-type: none"> • Մեկ անգամ ևս անցնում են դասի բոլոր փուլերով, հիշում, ամրապնդում: • Կարդում են փոքրիկ տեքստը, վերլուծում են ասացվածքը, մեկ անգամ ևս անդրադառնում կատարված եզրահանգումներին:
Գնահատում	Թեստային աշխատանք	Առաջարկում է խաղ՝ https://learningapps.org/display?v=p3ng12qgn21	